

## CASA DIVIN MAESTRO

già  
CASTELLO "S. ROCCO"

Vulgo  
VILLA ROSPIGLIOSI

Quando de note sto tornando a casa  
e vardo in alto in serca de na stela  
ciara e vissina, quasi che la basa,  
te vedo "crose" luminosa e bela.

La stà davanti, vardàndola de jorno  
a on parco e ti te pensi al paradiso,  
co' nà fontana nel giardin, contorno  
a 'na villa de stile ben preciso.

'Na volta, i ne contava, qua ghe jera  
la cesa de S. Roco, proprio in xima,  
co' na caseta postà tuta a sera  
pa 'l custode che serca sto bon clima.

Da là ghe xè passà pitòri e santi  
e preti "vagli", senza garansie  
e peccatori, no se sa, ma tanti  
rivai fin là da tante traversie.

Ghe jera ne la cesa de S. Roco  
tele de autori come un tal Maganza  
e altri ancora. D'oramai xè on toco  
che i ga trovà l'onore in altra stanza.

Par qua xè passà frati francescani  
che i celebrava messe de "legati".  
Ma 'l vescovo, avuda tra le mani,  
la donassion sbaglià, gà roto i pati.

I "confratelli" allora i serca altrove  
frati de bona stofa : garansia,  
con carte a posto de sicura prova  
e nel rispetto de l'ortodossia..

Chi gai trovà ? Dei Frati de clausura, \*Fra Barnaba e fra Alessandro, sacerdoti camaldolesi di Monte  
"camaldolesi" de Monte Corona  
provenienti da l'eremo de Rua.  
Na scelta indovinà e pi che bona.

Ma presto i gà comprà n'altra colina  
sora S.Roco, col teren pi pian  
e con pi campi : sora la trentina,  
da cavar fora on toco anca de pan...

\*alberato nel 1908

\*\*"in cacumine montis"

\*Nella Visita Pastorale del 1533 si afferma : " iam annis  
septuaginta fabricata". Ergo : 1463, circa.

\*Fr. Leonzio di Nicoletti accetta il 24.IV.1590 la donazione.

\*Il vescovo Federico II Corner l'8.IX.1592 invalida l'atto.

o Il nobile vicentino ENEA REPETTA fa da intermediario

Corona accettano la donazione l'8.XII.1598

